

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126133](#)

Domine, Matth. 7. v. 22. & externè honestam vitam ducunt: re ipsa verò hypocrita sunt, qui exterius sanctitatem simulant, cor verò ipsorum in felle amaritudinis & obligatione iniquitatis est, Acto. 8. v. 28. Orant illi, Pater noster, in corde verò putant aurum robur suum, & obrizo dicunt: Fiducia mea, Job. 31. v. 24. Orant: Sanctificetur nomen tuum: interea quæ sunt gloriam hominum magis, quam gloriam Dei, Joh. 12. v. 43. Petunt: Adveniat Regnum tuum: interea Regnum gratiæ in cordibus suis perdunt, ut peccatum regnet in mortali suo corpore, Rom. 6. v. 12. Precantur: Panem nostrum quotidianum da nobis hodiè: & tamen proximo bolum è fauibus eripiunt, quo ipso ceu sorices produnt se, quod in numero eorum sint, quos Siracides homines sanguinis, & homicidas appellat, Sîr. 35. v. 25. Orant: Remitte nobis debita nostra, ut & nos remittimus debitoribus nostris: nec tamen peccatis valedicere, multò minus proximo ignoscere volunt, idèque nec ipsi remissionem sperare possunt, ut Christus dilucidè ait, Matth. 18. v. 35. Petunt: Ne nos inducas in temptationem: & ipsi in peccata præcipites ruunt, dum peccatis suis Diabolum alliciunt, qui κατ ἔξοχην tentator dicitur, Matth. 4. v. 2. Precantur denique: Domine, libera nos à malo: & tamen Dominum subinde ad iram provocant, qui creat malum, Esa. 45. v. 7. & animam & corpus in gehennam perdere potest, Matth. 10. v. 28.

Hæc oratio iniquitatis est, quæ in cœlum adscendere nequit. Deus enim peccatores non audit, Joh. 9. v. 31. idè humiliemur sub potenti manu ejus, 1. Petr. 5. v. 6.

ut Daniel, cap. 9. v. 19. Superbi tibi ab initio non placuerunt: sed mansuetorum & humilium semper tibi placuit deprecatio, Judith. 9. v. 15.

De Secundo.

SEquitur Medela, quæ fluit

1. Ex templorum restitutione, quæ per pacis constitutionem recuperavimus. De Phariseo & Publicano dicitur, quod adscenderint templum ut orarent. Hoc de templis A. C. hujus civitatis dici non potuit, quæ per quatuordecim annos clausa & Auditoribus interclusa fuerunt: ut sub dio in frigore & æstu, pluviis & tempestibus sacra sua peregerint. Jam nobis templo nostra restituta sunt, Dei gratiâ, ad quæ cum caterva ambulare possumus, in voce exultationis & confessionis, cum sono festivitatis, Psal. 42. v. 5.

Hæc ingens gratia est, pro quâ nunquam Deo dignas gratias agere possumus. Templo etenim sunt

1. *Domus nostra informationis*, ubi Doctor eruditæ linguae, Esa. 50. v. 4. per Pracones suos nos utilia docet, Esa. 48. v. 17. artem piè credendi, patienter sustinendi, devotè orandi, piè vivendi, & beatè moriendi: quæ supereminens scientia est, Eph. 3. v. 19.

2. *Domus nostra consolationis*. In hoc mundo multæ tribulationes justorum, Ps. 34. v. 20. ut ad pacem amaritudo nobis amara, sicut Hiskiae, Esa. 38. v. 17. optimè igitur facit, qui cum Assaph in Sanctuarium Dei intrat, Psal. 73. v. 17. ibi reperitur solarium aduersus peccata: Christus quippe donavit nobis omnia delicta, delens, quod adver-

adversus nos erat chirographum, Col. 2. v. 14. Solarium contrâ mortem, cuius stimulum ille abstulit, 1. Cor. 15. v. 55. Solarium contra tentationes mundi, Christus namque mundum vicit, Joh. 16. v. 33. Solarium aduersus omnes miseras, Deum enim diligentibus omnia in bonum cooperantur, 1. Rom. 8. v. 28.

3. *Domus nostra orationis*, ubi quasi manufacta Deum adorimus, & hæc vis ei grata est, ut Tertullianus ait. Omnes qui ita confluxerunt ad eum, non confusa sunt facies eorum, Psal. 34. v. 6. Hinc vocatur domus orationis, Luc. 19. v. 64.

O Optimi! invitemus in posterum diligenterius sacraria nostra, ne dicatur, ut in Evangelio dicitur: Adscenderunt duo homines in templum, ut orarent: sed turbæ irruant in illa ut attingant verbum Dei, Luc. 5. v. 1. Ne Christus propter verbi contemptum exeat de templo, & nunquam revertatur, ut Judæus accidit, Joh. 8. v. 59.

II. *Ex liberi exercitii confessione*. Hic audiimus, & Pharisæum & Publicanum ascenderent in templum ad cultum Deo litanandum. Hoc probè notandum: Judæi enim sub Imperio Romanorum erant, nec habebant Regem, nisi Cæsarem, ut ipsi confitentur, Joh. 19. v. 15. attamen Cæsar non impidebat, quò minus religionem suam liberè exercerent, quia nemo cogitur, ut credit invitus, ut Theodoricus dixit.

Hanc gratiam impetrare non possumus, tempore Deformationis, qui enim characterem bestiæ recipere noluit, cum magno incommodo, & jactura bonorum temporalium solum vertere, & in exilium migrare coactus fuit, quod etiam

hic penè factum, ut Acta Augustana probant.

Ast nunc Dei gratia à jugo hoc immunes sumus, ut confidenter prædicare possimus, Psal. 12. v. 6. & perstet conscientia libertas sua. Stemus ergo in libertate, quâ Deus nos liberavit, Gal. 5. v. 1. oremus que Dominum, ut hanc gratiam & ad posteros nostros propagare dignetur, confirmetque quod operatus est in nobis, Psal. 68. v. 29. Hæc oratio non frustranea erit. Propè enim est Dominus invocantibus se, Psal. 145. v. 8. id respectu nostrum quoque faciet, conteretque Satanam sub pedibus nostris brevi, Rom. 16. v. 20.

III. *Ex tranquilla propria domus possessione*. De Publicano memorat prælecta Pericope, quod descendenter in domum suam.

Magna felicitas est, si dicere possis: Ego eo in domum meam, tu is in domum tuam, ille it in domum suam. Id tempore belli dici non potuit: omnia enim directioni obnoxia erant: nemo dicere poterat, hæc mea sunt. Simulac milites lumen salutabant, dicebant: Veteres migrae coloni!

Hic iterum Deo gratiæ agendæ sunt, pro almâ nobis restitutâ pace. Jam quilibet in pace domum suam repetere potest, & sub vite suâ, & sub fico suâ securè habitate, 1. Reg. 4. v. 25. Nunc in pace cibum nostrum comedere possumus, & eò melius credere Salomoni, quod melior sit buccella sicca cum pace, quam domus plena vitam cum jurgio, Prov. 17. v. 1. Nunc in pace quiescere possumus in lecto nostro, nec timendum, quenquam esse, qui nos exterreat, Levit. 26. v. 6.

O quanta gratia! quis condigne eam

ddd 3 præ-

prædicabit? Licet multa dicamus, attamen in verbis deficiemus, Sir. 43. v. 29. Observamus ergo illud Augustini: *Fæ justiam & habebis pacem, duas amicas sunt pax & justitia, quæ se invicem osculantur, qui igitur vult unam, & alteram non facit, frustra laborat.* Vultis igitur filii pacis esse, & hoc bono diutius frui? Seminate vobis in justitiâ & metite misericordiam: arate vobis arationem: tempus autem requiriendi Dominum, donec veniat, qui docebit vos justitiam, Ose. 10. v. 12. Id in summa perfectione fiet, quando aliquando perveniemus in habitacionem pacis, Esa. 32. v. 18. & palmas in manibus gestantes, Apoc. 7. v. 9. Alleluia cum gudio cantabimus, in omnibus plateis cœlestis Hierusalem, Tob. 13. v. 22.

De Tertio.

RESTAT CAUTELA, quæ tribus absolvitur Regulis, ut sunt:

1. *Templum frequenta.* Hac in re & Phariseus & Publicanus exemplo nobis suo præiverunt. Licet enim non eandem devotionem afferant, propositum tamen eorum eatenus laudandum est, quatenus una ad domum Dei profiscuntur.

Discimus hoc ab ipsis, si pacem nobis concessam conservare voluerimus, juxta illud: *Quarite primum Regnum Dei, & justitiam ejus*, Matth. 6. v. 33.

Quando itaque Deus à morbis, aut ex alio periculo nos liberavit, prima hæc nostra via sit, ut ad domum Domini proficiamur. Jerusalem, quæ ædificatur ut civitas, cuius participatio ejus in idipsum, ut illuc adscendant tribus, tribus Domini,

Psal. 122. v. 34. & hoc ipsum querit Deus per tribulationem, quâ nos ad se attracturus est, ut serviamus ei omnibus diebus in justitiâ & sanctitate, coram ipso, Luc. 1. v. 25.

Ubi quoq; melius nobis erit, quam eo in loco, ubi memoria nominis ejus fuerit, ibi venturus est ad nos & benedic nobis? Exod. 20. v. 24. Gloriosa dicuntur in te, civitas Dei, Psal. 87. v. 3. hæc mysteria Dei sunt, abscondita à seculis, nunc verò tempore ultimo innotescunt, Eph. 3. v. 9. Deum enim nemo vidit unquam. Unigenitus Filius, qui est in sinu Patris, ipse enarravit, Joh. 1. v. 18. Iccircò ed libentius ibi degamus cum Davide dicentes: Domine diligo habitaculum domus tuæ, Psal. 26. v. 8. Esa. 2. v. 3.

Hoc unicum est necessarium, quod si commendatum nobis habuerimus, optimam partem elegimus, quæ non auferetur à nobis, Luc. 10. v. 41.

Verum contrarium hodiè proh dolor experientia ostendit: plurimi obliiscuntur domus Domini, inhiantes terrenis, & festinantes in domum suam, Hagg. 1. v. 10. sive properantes ad domum convivii, Eccl. 7. v. 3. ut Belsazer, Dan. 5. 4. aut ad domum meretricis, ut juvenis ille, Prov. 7. v. 22. hoc verò non misericordiam provocat: sed potius iram excitat & furorem accedit, Judith. 9. v. 12.

Propterea libentius ad domum Domini ambulemus, non deserentes collectionem nostram, sed adhortantes, & tantò magis, quantò videritis appropinquantem diem, Hebr. 10. v. 25.

Ad hoc gravissima nos causa impellat, maximè postremis hisce temporibus, ubi Sata-